



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : HOI PING CHAMBER OF COMMERCE SECONDARY SCHOOL

學校名稱 : 旅港開平商會中學

Name of Play 劇名 : Graduation

Script writer 劇作者 : 蕭新泉 (校友)、

Synopsis 故事大綱 :

中學畢業禮。按傳統,畢業生必需出席早上綵排,才能參與下午的畢業禮。一位畢業生,因為要兼職幫補家計,故未能參與綵排,故學校不批准她出席畢業禮,引發傳統與公義的衝突,讓畢業生反思畢業禮的真義,上了人生寶貴的一課。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 綵排

（播放校歌。幕開。燈亮，照著一個十字架，兩側是校訓，寫著「慈愛與真理」「公義與和平」。然後，四至六位一組的畢業生上台，領取畢業證書，黃主任則扮作頒獎嘉賓，把一卷卷的證書頒給畢業生。每一批畢業生上台，都很有規矩的，千篇一律的，一絲不苟的。燈漸暗。校歌音樂漸細。燈亮，出現學校休息室。十數位穿著畢業袍的學生入，黃主任亦入。）

黃主任： 6A 班嘅同學，記住剛才綵排嘅細節，雙手領取證書，向嘉賓鞠躬，然後轉身向觀眾，影相。影相.....

Karen : 記得嘞，黃主任，我哋練咗 4 次嘞。

黃主任： 但係仲有同學做得唔好呢？

Stella : 邊個呀？

黃主任： Camille，你企得唔準，成排同學你係偏咗。Stella，鞠躬慢咗！

Queenie 你笑容太誇張啦，Angel 你記住要挺直條腰。

黃主任： 我要求完美。

Angel : OK，我哋一陣間做到最好！

黃主任： Jenny 你代表畢業生致詞.....

Jenny : 我有咩問題？(手執畢業生致謝詞)

黃主任： Well done！保持水準！畢業禮 2 點半開始，仲有大約 45 分鐘。你哋係到靜靜咁好好準備吓。呢到有 d 食物，你地自己擺嚟食啦，我依家去睇吓 choir 練成點！（黃主任離開。）

Karen : 黃主任洗唔洗咁緊張呀，總之我都唔返啦！

Queenie : Patti 佢哋幾個真係唔嚟呀？

Stella : 返嚟綵排，只係擺張假嘅證書，佢哋寧願瞓晏啲！

Camille : 如果唔返嚟綵排，學校真係唔俾佢哋上檯擺畢業證書？

Coco : 黃主任講過話一定唔得！

Angel : 黃主任乜都講原則，佢實唔會俾啫！

Camille : Joe 話會嚟參加畢業禮！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Karen : 係就精彩囉，我哋開定包花生等睇戲。
- Angel : 你好熟 Joe 咩？
- Camille : 一般啦，聽佢講過吓咁囉！你無係 facebook add 佢做 friend 咩？
- Stella : 我無呀！
- Coco : 我都無。
- Queenie : 佢有邀請過我哋做 friend 咩？
- Jenny : 可能佢最後唔嚟呢！
- Karen : 你就巴閉啦，學生代表致辭。
- Stella : 學生會會長嚟，梗係啦！
- Jenny : Sorry，上年學生會會長無代表畢業生致辭嚟！
- Queenie : 係嘞，你英文又叻，你乜都叻咩嘛！
- Angel : 驕兵必敗呀，將來入到 Kong U 讀 Law，睇吓你仲考唔考到第一！
- Stella : 都未放榜，你估實入到 o 架！
- Coco : Jenny 全級第一 o 架！
- Jenny : Sorry，我唔會係香港升讀大學。我會過美國 Stanford，佢哋收咗我。
- Stella : 幾時過去呀？
- Jenny : 等放埋榜先。
- Camille : 到時我哋去到美國，你要招呼我哋 o 架！
- Jenny : 你哋幾時過嚟先？Christmas、Easter 我會返香港。同學繼續各自的寒暄。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 Joe 的出現

(Joe 入。眾同學望著她。)

Joe : Hi ! (稍頓)

Camille : Joe，你真係嚟？

Joe : 呢個畢業禮對我好重要，我好希望可以參加。

Camille : 但係黃主任講咗.....

Joe : 我知，所以我想同佢解釋吓！

(稍頓。同學間好像有點不滿。Joe 彷彿感受到。)

Joe : 我會同黃主任解釋，希望佢俾我參加。

Stella : 但係你無返嚟綵排嘍！

Camille : 其實上台擺張證書，有幾難啱？我即刻就可以教到你啦！你哋頭先都識講啦，返嚟排練，根本就係無謂.....

Angel : 最弊黃主任唔係咁噃呢！上台嘅速度呀，企位呀，鞠躬嘅角度呀，都要做到一絲不苟呢。

Stella : 如果唔返嚟排，又可以上台擺證書，咁對返嚟綵排嘅人好唔公平啫！

(大家無言。)

Camille : 黃主任去咗睇 choir 練習，一陣間就返。

Jenny : 其實你朝早去咗邊啫？

Joe : 我去洗手間。好快返。(Joe 離開)

Queenie : 係呀，如果佢真係咁想參與畢業禮，就應該返嚟排練啦。

Karen : 佢份人不黠都係神神怪怪咁。

(同學繼續議論。)

Camille : Joe 佢要返工。

Coco : 佢好等錢洗咩？咁快就搵工？